

Peqqissaasunnigornianut praktikkerfissat qanoq amerlisissinnaanerigut apeqquteqaat aallaavigalugu oqallinnissamik siunnersuut.

(Inatsisartunut Ilaasortaq Anna Wangenheim, Demokraatit)

Akissuteqaat

(Meeqqanut, Inuusuttunut, Ilinniartitaanermut, Kultureqarnermut, Timersornermut Ilageeqarnermullu Naalakkersuisoq)

Siullermeerneqarnera

Naalakkersuisut sinnerlugit Inatsisartunut ilaasortaq, Anna Wangenheim, Demokraatit, qulequttamik pingaarutilimmik uannga saqqummiussineranut qujaffigiumavara. Apeqquteqaat tassaavoq, peqqissaasunnigorniartunut amerlanerusunik praktikkerfissaqalernissaanik qulakkeerinnineq ilinniartut naammassisartut amerlisinnissaannut qitiulluinnartuusoq siunissamilu peqqinnissaqarfimmik qajannaatsumik qulakkeerinniffiusinnaanersoq. Apeqqut taanna imartuvoq suliasaqarfinnillu arlalinnillu kalluaalluni. Tamanna tamakkiisumik isigisumik suliniuteqarfigisariaqarpoq, naalakkersuinikkut aalajangiinernik ilaqartumik, aaqqissuusaanikkut allannguutinik aamma praktikkerfiusinnaasut pillugu aalajangersimasumik suliniuteqarnernik.

Peqqinnissaq pillugu isumaqatigiissutip 2023-meersup ilaatut, peqqissaasunnigorniarluni ilinniartitaaneq pillugu ilinniartuup pilersaarusiorneqarneranut suliasaqarfiit assigiinngitsut suliniuteqarnerat Peqqissutsimut Naalakkersuisoqarfimmit aallartinneqarpoq, ukiut tamaasa ilinniartut naammassisartut amerlanerulernissaannik aalajangersimasumik anguniagaqarnermik ilaqartoq. Tassani praktikkerfissat amerlinissaannut aaqqiissutissamik nassaarniarnissaq pillugu immikkoortoq pingaaruteqartoq inissisimavoq, taamaalilluni aporfijunnaarsinnaammat. Peqqinnissaq pillugu isumaqatigiissummi 2023-meersumi, peqqinnissaqarfimmi ilinniartunngortarnissamut pilersaarusiorneq salliutillugu suliniuteqarfigineqarpoq.

Suliasaqarfimmi tassani unammilligassat, suliasaqarfinnut arlalinnut attuumassuserneqarsinnaapput. Naalakkersuinikkut isigalugu ilinniarfeqarfiup peqqinnissaqarfiullu akornanni eqaatsumik suleqatigiinnerulernissamut atugassarititaasut qulakkeernissaat pisariaqarpoq. Iusilersuinikkut isigalugu piginnaasaqassutsip atorluarnissaa nukittorsartariaqarparput praktikkernerullu ingerlanneranut atugassarititaasut pitsaannerusut pilersittariaqarlugit. Piviusorsiorumik katsorsaasarnikkut aqutissiuussisutut attuuffeqarsinnaasut inuit amerlanerusut, ilinniartullu tapersornissaannut, taakku praktikkernerisa nalaanni, nukissanik pisariaqartunik taakku peqarnissaat qulakkeertariaqarpagut.

Piffissami sivikitsuinnarmi taartaasartut aqutissiuussisartutut, taakku piginnaasanik eqqortunik peqarsimatillugit, atuuttarnissaat peqqinnissaqarfiup ammaffigereerpaa. Tamatuma ilutigisaanik peqqissaasunnigorniarluni ilinniartitaanerup praktikkerfiusartullu akornanni suleqatigiinnerup nukittorsarnissaa sulissutigaarput, atugassarititaasut ersarissut pitsaannerusumillu piginnaasat atorneqarnissaat pilersikkumallugit. Praktikkerfissanik tunniussaqaarnissamut kommunit aamma pingaaruteqartumik inissisimapput taamaalillutillu aaqqiissutissamut aallussisumik tapersiinnaallutik. Siunissaq ungasinnerusoq eqqarsaatigalugu Nuummi illumik praktikkertarfiliornissaq suliniutigineqarpoq, tassani

peqqinnissaqarfimmi ilinniakkani assigiinngitsuni ilinniartut pisuusaartitsinerit atorlugit sungiusarsinnaasassapput. Tamanna praktikkerfissanut tatisinermut oqilisaaqataassaaq, suliniullu taanna aallartinneqarnikuuvoq.

Peqqissaasunngorniarlutik ilinniarnermut ilinniartuujunnaartartut ikilisinnissaat aamma aallussiffigineqarpoq. Ilinniartuujunnaartarneq pillugu misissuinerit marluk, paasisanik nalituunik tunniussaqrput aalajangersimasumillu suliniutissanut atorneqarsinnaallutik. Ilinniartut amerlanerusut ilinniakkaminnik naammassisaqartarnissaat pingaartuuvoq.

Aaqqiissutissanik nassaarniarnermut Naalackersuisut akuupput, angusaqarfiusumillu oqallinnissamut qilanaarlutik. Kikkuugaluartunulluunniit tamanut kaammattuutigissavarput misilittakkaminnik isumassarsiaminnillu taperseeqqullugit, taamaalilluta ataatsimoorluta peqqissaasunngorniarluni ilinniartarnerup nukittorsarnissaa siunissamullu qulakkeernissaa, peqqinnissaqarfiullu qajannaatsuunissaa qulakkeersinnaagatsigit. Taamatut oqaaseqarlunga inersuarmi oqallittoqarluarnissaanut Naalackersuisut qilanaarput.